

**PEDENDANG**  
Masked Finfoot

FAMILI: Heliornithidae  
NAMA SAINTIFIK: Heliopais personata



#### **CIRI-CIRI**

Spesies ini mempunyai paruh tajam yang berwarna kuning, betis dan kaki yang berwarna hijau. Bahagian atas badan pula berwarna coklat kehijauan dengan topeng muka yang berwarna hitam. Burung jantan mempunyai leher yang keseluruhannya berwarna hitam dengan garis halus berwarna putih pada sisi kiri dan kanan leher. Panjang keseluruhan spesies ini adalah di antara 52.0-54.5 sm.

#### **TABURAN**

Di selatan Thailand dan Semenanjung Malaysia, ia adalah spesies berhijrah tetapi berkemungkinan telah menjadi spesies tempatan.

#### **MAKANAN**

Ia memakan serangga akuatik, siput, katak, ketam, udang, ikan kecil, dan tumbuhan.

#### **BUNYI**

Ia masih belum didokumentasikan dengan baik namun berkemungkinan ia mengeluarkan siri bunyi yang bernada tinggi dan seakan-akan bunyi buih.

#### **HABITAT**

Ia mendiami kawasan hutan tanah pamah yang mempunyai sungai, kawasan paya bakau, hutan paya, dan kadang-kadang di tasik dan kolam yang jauh dari kawasan hutan hingga ke ketinggian 700 m dari aras laut. Namun begitu, ia pernah direkodkan pada ketinggian 1,220 m dari aras laut semasa berhijrah.

#### **STATUS**

Akta 76/72, dipelihara sepenuhnya.